

Oqaluuserisassanut nassuiaat.
(Inatsisartut Siulittaasuut)

Naalackersuisut oqaluuserisassanut immikkoortumik nutaamik nalunaaruteqarput, tassa immikkoortumik 180-imik: Siunnersuut uunga: Pisortanit ikiorsiissutit pillugit Inatsisartut inatsisaannik aamma suliffissarsiortunut ikiorsiissutit pillugit Inatsisartut inatsisaannik allanngineq pillugu Inatsisartut inatsisaat.

Immikkoortoq ulloq 19. maj tulleriissiinnarlugit pingasoriarlugu oqaluuserineqassaaq.

Oqaluuserisassani immikkoortoq 145 ullumi ataatsimiinnermi oqaluuserineqartussaagaluaq siunnersuuteqartup kissaateqarneratigut ullormut allamut kinguartinneqarpoq:

Immikkoortup 145-p qulequtaraa: Narsami aammalu Kullorsuarmi ilaquariinnut siunnersortit ukiut marluk suligasuartussanik Naalackersuisut aallarnisaanissaamut peqquneqarnissaanik Inatsisartunut aalajangiiffigisassatut siunnersuut. Suligasuarsimanerit naammassippata naliliiffigineqassapput, nunatta sinneranut siammarneqarsinnaanersoq nalilersornissaanut siunertaralugu.

Immikkoortoq 148 ippassaq angumerinngisarput immikkoortumut 145-mut taarsiullugu ullumi oqaluuserisassanut ilanngunneqarpoq:

Immikkoortup 148-p qulequtaraa: Angajoqqaat erninermi sulinngiffeqarnerup naammassereersimanerani paarsisussarsisimangitsunut pisortat qanoq ikiorsiisinnaanerinit tunngasumik, siunnersuummik saqqummiussisussamik, suleqatigiissitaq nalunaarummik suliaqartussamik pileritsisoqarnissaanik Naalackersuisut peqquneqassasut Inatsisartunut aalajangiiffigisassatut siunnersuut. Nalunaarusiami siunnersuut aallaavigalugu pisortanut aningaasatigut suut kingunissaanersut ilaassapput. Suleqatigiissitaq innersuussutini kingusinnerpaamik 1. januar 2024 saqqummiutereersimassavaat.

Immikkoortoq 60 tallimangornermi ulloq 19. maj siullermiigassangortinneqarpoq, taasissutissallu naammassineqarpata oqaluuserineqassalluni.

Immikkoortup 60-ip qulequtaraa: Parisimi isumaqatigiissummut Kalaallit Nunaata nunamut nangaassuteqarnera atorunnaarsinneqassasoq aammalu Naalagaaffiit Peqatigiit Silap pissusia pillugu nunani tamalaani isumaqatigiissutaannut, UNFCCC-imut, nalunaarutigineqassasoq, danskit naalackersuisuinut nalunaarutigeqqullugu Naalackersuisut peqquneqarnissaat pillugu Inatsisartut aalajangiiffigisassaattut siunnersuut.

Taasisarnerit pillugit uku akornanni isumaqatigiissuteqartoqarpoq:

Jens Napaattoq, Naleraq aamma Lars Poulsen, Siumut

Anders Olsen, Siumut aamma Knud Mathiassen, Attaviitsoq

Mala H. Kúko, Siumut aamma Nivi Olsen, Demokraatit

Bjørk Lange Kristensen, Demokraatit aamma Hans Peter Poulsen, Siumut

UPA 2023/2

J. nr. 01.25.01/23UPA-LABU-00002

